



9/
1248

Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11-04/02-34-7593-~~6~~2/26

Sarajevo, 23.03.2026. godine

SKUPŠTINA KANTONA SARAJEVO

n/r Elvedin Okerić, predsjedavajući Skupštine Kantona Sarajevo

Predmet: Odgovor na zastupničku inicijativu, *dostavlja se*

ZASTUPNIČKA INICIJATIVA:

Zastupnik u Skupštini Kantona Sarajevo, Jasmin Šaljić, je u skladu sa članom 212. stav (2) Poslovnika Skupštine Kantona Sarajevo („Službene novine Kantona Sarajevo“, broj: 41/12- Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22- Ispravka i 47/24), na 29. radnoj sjednici Skupštine Kantona Sarajevo, uputio sljedeću zastupničku inicijativu:

“Na osnovu člana 22. stav 2. Odluke o kriterijima za upis učenika u prvi razred srednjih škola Kantona Sarajevo donesena na 66. sjednici Vlade Kantona Sarajevo održanoj dana 06.03.2025. godine ("Službene novine Kantona Sarajevo", broj: 11/25 od 20.03.2025. godine) i člana 68. stav 2. Zakona o odgoju i obrazovanju u osnovnoj i srednjoj školi u Kantonu Sarajevo (Službene novine Kantona Sarajevo, broj: 27/24 od 11.07.2024. godine), tražim od Vlade Kantona Sarajevo i resornog ministarstva da donesu trajnu odluku bez podnošenja dodatnog zahtjeva kojom će djecu iz povratničkih porodica u manjem entitetu BiH koja srednje obrazovanje žele da nastaviti u školama u Kantonu Sarajevo, a koja su osnovno obrazovanje završila po planu i programu manjeg entiteta BiH oslobodi polaganja eksterne mature. Određivanje ekvivalenta bodova za eksternu maturu uraditi na identičan način kako je gore navedenom odlukom definisano u članu 18. stav 4. za učenike sa područja Kantona Sarajevo koji iz opravdanih razloga nisu pristupili polaganju eksterne mature. Gore

navedenim aktivnostima omogućiti upis povratničke djece u željene škole mimo upisnih kvota srednjih škola se ne bi djeca sa područja Kantona Sarajevo našla u podređenom položaju“.

ODGOVOR: U vezi sa podnesenom zastupničkom inicijativom Ministarstvo za odgoj i obrazovanje Kantona Sarajevo (u nastavku teksta: Ministarstvo) želi ukazati na činjenicu da je članom 68. Zakona o odgoju i obrazovanju u osnovnoj i srednjoj školi u Kantonu Sarajevo (Službene novine Kantona Sarajevo, broj: 27/24) propisano:

“Član 68.

(Upis učenika u prvi razred srednje škole koji su osnovno obrazovanje završili izvan Kantona)

- (1) Učenici državljani BiH koji su završili osnovnu školu u BiH izvan Kantona upisuju se pod istim uvjetima kao i učenici s područja Kantona.
- (2) Izuzetno, djeca povratničke populacije u entitetu Republika Srpska i djeca porodica koje vraćaju iz dijaspore mogu biti upisana pod povoljnijim uslovima na osnovu odluke Vlade.
- (3) Djeca strani državljani mogu biti upisana pod povoljnijim uslovima na osnovu odluke Vlade”.

Nadalje, Ministarstvo skreće pažnju i na činjenicu da je članom 22. Odluke o kriterijima za upis učenika u prvi razred srednjih škola Kantona Sarajevo ("Službene novine Kantona Sarajevo", broj: 11/25) propisano:

„Član 22.

(Upis učenika koji su osnovno obrazovanje završili izvan Kantona Sarajevo)

- (1) Učenici državljani Bosne i Hercegovine koji su završili osnovnu školu u Bosni i Hercegovini izvan Kantona Sarajevo, upisuju se pod istim uslovima kao i učenici s područja Kantona Sarajevo.
- (2) Izuzetno, djeca povratničke populacije u entitetu Republika Srpska i djeca porodica koje se vraćaju iz dijaspore, mogu biti upisana pod povoljnijim uslovima na osnovu odluke Vlade.
- (3) Djeca strani državljani mogu biti upisana pod povoljnijim uslovima na osnovu odluke Vlade“.

Slijedom naprijed citiranih odredbi Zakona o odgoju i obrazovanju u osnovnoj i srednjoj školi u Kantonu Sarajevo i Odluke o kriterijima za upis učenika u prvi razred srednjih škola Kantona Sarajevo proizilazi da je djeci koja spadaju u kategoriju povratničke populacije u entitet Republika Srpska već osigurano pravo upisa u srednje škole u Kantonu Sarajevo pod povoljnijim uslovima. Ovo pravo djeca koja spadaju u kategoriju povratničke populacije u entitet Republika Srpska mogu ostvariti podnošenjem zahtjeva Ministarstvu za upis pod povoljnijim uslovima. Nakon zaprimanja zahtjeva, Ministarstvo predlaže Vladi Kantona Sarajevo donošenje odluke za upis ove kategorije



djece pod povoljnim uslovima u srednju školu za koju je iskazan interes. Do sada su se Ministarstvo i Vlada Kantona Sarajevo pozitivno odredili u odnosu na svaki zaprimljene zahtjev roditelja djece koja spadaju u kategorije povratnika u entitet Republika Srpska.

Slijedom naprijed navedenog proizilazi da djeca iz kategorije povratničke populacije u entitet Republika Srpska nisu oštećena zbog obaveze polaganja eksterne mature. Upis djece iz kategorije povratničke populacije u entitet Republika Srpska u željenu srednju školu na području Kantona Sarajevo na osnovu posebne Odluke Vlade Kantona Sarajevo prevenira negativan efekat polaganja eksterne mature.

Ministarstvo skreće pažnju i na činjenicu da je članom 18. st. (4) i (5) Odluke o kriterijima za upis učenika u prvi razred srednjih škola Kantona Sarajevo propisano:

„(4) Ukoliko kandidat sa područja Kantona Sarajevo iz opravdanih razloga ne pristupi polaganju ispita ili ukoliko se ne organizuje eksterna matura u Kantonu Sarajevo, određuje se ekvivalent bodova za eksternu maturu koji osnovna škola upisuje u obrazac predviđen propisom kojim se reguliše polaganje eksterne mature, na osnovu zaključenih ocjena za taj predmet na način da se za navedene predmete zbir zaključenih ocjena u VI, VII, VIII i IX razredu pomnoži s koeficijentom 0,50 i to za:

- a) Bosanski jezik i književnost, Hrvatski jezik i književnost, Srpski jezik i književnost,
- b) Prvi strani jezik,
- c) Matematika“

(5) Odluka o opravdanosti razloga zbog kojih učenik iz stava (4) ovog člana nije pristupio polaganju ispita iz eksterne mature će se donijeti u skladu s propisom o polaganju eksterne mature“.

Citiranom odredbama jasno je propisano da djeca sa područja Kantona Sarajevo ne uživaju nikakve posebne privilegije u odnosu na djecu koja dolaze iz drugih kantona ili djecu iz kategorije povratničke populacije u entitet Republika Srpska, s obzirom da se radi o izuzetnim i opravdanim slučajevima čiju opravdanost u svakom konkretnom slučaju cijeni Školski odbor. Naime, članom 3. st. (7) i (8) Pravilnika o polaganju eksterne mature („Službene novine Kantona Sarajevo", broj: 25/18, 17/19 i 24/19) propisano je:

„(7) Učeniku sa područja Kantona Sarajevo koji iz opravdanih razloga ne pristupi polaganju mature određuje se ekvivalent bodova za eksternu maturu, koji osnovna škola učenika upisuje u obrazac predviđen Pravilnikom o polaganju eksterne mature, na osnovu zaključenih ocjena za taj predmet na sljedeći način:

Za predmete:

- 1) Bosanski jezik i književnost, Hrvatski jezik i književnost, Srpski jezik i književnost
- 2) Matematika,



3) prvi strani jezik

zbir zaključnih ocjena u šestom, sedmom, osmom i devetom razredu se dijeli sa brojem 2.

(8) Opravdanost razloga zbog kojih učenik nije pristupio polaganju ispita iz eksterne mature na zahtjev roditelja procjenjuje školska komisija i odluku dostavlja Ministarstvu za obrazovanje, nauku i mlade Kantona Sarajevo (u daljem tekstu: Ministarstvo)“.

Na osnovu svega naprijed navedenog, Ministarstvo je stava da je podnesena zastupnička inicijativa, u njenoj suštini, već implementirana, te da ne postoji potreba za dodatnim intervencijama u odnosu na važeće zakonske i podzakonske propise u oblast srednjeg obrazovanja.

S poštovanjem,

MINISTRICA

Naida Hota-Muminović



Dostaviti:

1. Naslovu,
2. Evidencija,
3. a/a.



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-128

Web: <http://mo.ks.gov.ba>, E-mail: mo@mo.ks.gov.ba